




XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA



DILIXENCIA DE CONSTANCIA

Esténdoa eu, José Ramón Pardo Cabarcos, subdirector xeral de Réxime Xurídico, para facer constar que a memoria que segue, que leva por título *Memoria Xustificativa do Convenio de colaboración entre a Vicepresidencia e Consellería de Presidencia, Administracións Públicas e Xustiza e a Asociación DOWN PONTEVEDRA "XUNTOS"*, é unha imaxe obtida mediante o escaneo íntegro da memoria orixinal, que foi asinada de forma manuscrita o 14 de agosto de 2017.

E para que produza efectos cara a súa inscrición no Rexistro de Convenios do Sector Autonómico de Galicia, asino electronicamente a presente dilixencia.





MEMORIA XUSTIFICATIVA DO CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA E A ASOCIACIÓN DOWN PONTEVEDRA "XUNTOS"

1.- O Decreto 72/2013, do 25 de abril, establece a estrutura orgánica da Vicepresidencia e Consellería de Presidencia, Administracións Públicas e Xustiza. No exercicio das súas competencias correspóndelle a elaboración, proposta e execución da política do goberno galego en materia de Administracións Públicas e Xustiza e entre os seus obxectivos está o de promover actuacións en colaboración con institucións sen fins de lucro, no marco das competencias en materia de asociacións e fundacións.

2.- **Antecedentes:** A Asociación Down Pontevedra "Xuntos", está a desenvolver na súa sede actividades dirixidas as persoas con síndrome de down e/ou outras discapacidades intelectuais e as súas familias. Entre as súas actividades levan a cabo accións específicas para mulleres, entendidas como accións positivas da intervención social, e que favorecerán a toma de decisións co fin de empoderar ás usuarias para promover a súa participación na comunidade de xeito igualitario, xa que as mulleres con discapacidade están a sufrir unha dobre e incluso unha tripla discapacidade, dependendo da seu lugar de residencia.

Os beneficiarios directos da Asociación Down Pontevedra "Xuntos" son na actualidade 103 socios/as da entidade xunto coas suas familias. Actualmente existen persoas en lista de espera para entrar na asociación pero que, debido á falla de capacidade do local da sede actual non poden entrar a formar parte. Coas obras de reforma do local estas persoas poderían entrar a formar parte da asociación e beneficiarse así das accións que alí se levan a cabo.

3.- **Finalidade:** Para os efectos sinalados, asinouse coa Asociación Down Pontevedra "Xuntos" o instrumento convencional referenciado por un período de vixencia dende a súa sinatura ata o 31 de decembro de 2017.

4.- **Obxecto:** A través do presente convenio establécense as condicións polas que se rexerá a colaboración entre a Vicepresidencia e Consellería de Presidencia, Administracións Públicas e Xustiza e a Asociación Down Pontevedra "Xuntos" para levar a cabo as obras de acondicionamento e rehabilitación da nova sede da entidade, sita na rúa rúa Gorgullón, número 45 baixo de Pontevedra, segundo o orzamento das obras asinado polo arquitecto Ricardo Aguilar Bueno en marzo de 2017.





5.- O instrumento convencional asinado fundaméntase no seguinte: Esta Vicepresidencia e Consellería de Presidencia, Administracións Públicas e Xustiza considera necesario colaborar coa Asociación Down Pontevedra "Xuntos" no desenvolvemento destas actividades.

A existencia de asociacións que poidan levar a cabo actividades de interese xeral para os municipios non sería posible sen a axuda e colaboración da Administración Pública, dado o carácter limitado dos recursos municipais, a única maneira de diminuír as diverxencias territoriais é a través de axudas desde a Administración Autonómica.

6.- A Vicepresidencia e Consellería Presidencia, Administracións Públicas e Xustiza achegará á entidade a cantidade de CORENTA MIL EUROS (40.000,00 €) que se imputarán á aplicación orzamentaria 05.24.121C.781.0 (código de proxecto 2017 00085) dos orzamentos xerais da Comunidade Autónoma para o ano 2017.

7.- Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación do texto refundido da Lei de contratos do sector público, aprobado polo Real decreto legislativo 3/2011, do 14 de novembro, con independencia de que, ao abeiro do previsto no artigo 4.2 da dita norma, lle sexan de aplicación os principios desta lei para resolver as dúbidas e lagoas que se poidan presentar.

É canto se especifica, en cumprimento do establecido na Lei 1/2016, de 18 de xaneiro, de transparencia e bo goberno, así como na *Ley 19/2013, de 9 de diciembre, de transparencia, acceso a la información pública y buen gobierno*, no relativo á publicidade e rexistro dos convenios.

Santiago de Compostela, 14 de agosto de 2017

A secretaria xeral técnica

Beatriz Cuiña Barja

